

## **Kolosai zengât ekap Paulonâ kulemgum zingip.**

*Mâsop sot sâiwap den.*

<sup>1-2</sup> Bukurâpniknâ, Kembugât sîngi a Kolosai kamânân Kristo sot pâlâtân upme, zengât ekap zi kulemgum zinget. Paulo nâ Anutugât sâtkât op Yesu Kristogât op Aposolo orâwan. Nâ sot Timoteo, net zengât ekap zi kulemgum zinget. Anutu Ibâniņangâren gâbâ tânzâņgozâņgoņ sot um lumbe zengâren zem zimbap.

*Kolosai zengât op sâiwap sâmarâwet.*

<sup>3</sup> Ninâu sâmet dâp net Kembuniņâ Yesu Kristo, zâkkât Ibâņâ Anutu, zâkkâren zengât op sâiwap sâm ninâu sâmet. <sup>4</sup> Zen Yesu Kristo nâņgâm pâlâtân kwâkņangâwe sot Kembugât sîngi a kamân nâmbutņan gâbâ gane buku otzîņgâme, zorat sâiwap sâmet. <sup>5</sup> Sumbemân ândiândi kâtik zengât sîngi pâipkât zo minam um bâbâlan op mambât ândime. <sup>6</sup> Anutugât tânzâņgozâņgoņangât den, den bonņâ, zo zengâren gâi nâņgâne zengâren bonņoot oip. Zo yatik sîngi âlip zo hân dâp muyagem lan kârâm âim bon opmap.

<sup>7</sup> Bukuniņâ âlipņâ Epapara, Kristogât kore a op ândim den sâmap. Zo yatik opmap, zâkņâ sîngi âlip dâzâņgoi nâņgâwe. <sup>8</sup> Oi Kaapumņâ umziņ kubigi umziņâ gâsâyagom ândie. Epapara

zâk zorat siŋgiŋâ dâtnâkoip. Zâk zengât op nep tuumap.

*Kolosai zengât op ninâu sâwet.*

<sup>9</sup> Oi net zengât den siŋgi zo nângâm zobik topkwap zengât op ninâu sâm gamet. Anutuŋâ sâi Kaapumŋâ den topŋâ sot nângânâŋgâ ziŋgi Anutugât den nângâm kwâtâtibigât ninâu sâmet. <sup>10</sup> Kembuŋâ yatâ otziŋgi Kembugât a târârak ândine ziŋgiri dâp upap. Oi âlipŋangât nep top top, zo tuum bonŋâ muyagibi. Oi Anutugât topŋâ nângâm biraŋbi. <sup>11</sup> Anutu zâk imbaŋâ mariŋâ. Zâk imbaŋâ âsakŋoot zorâŋ kâtikŋan kwatziŋgi kâtigem ândine kwâkziŋan kut ŋâi ŋâi yâmbât zari mân lorem kin um bâbâlaŋâk op sâiwap sâm dukubi. <sup>12</sup> Oi Ibâniŋ u âsakŋan ândiap, zâkŋâ ândiândi kâtikkât siŋgi kwatniŋgi. Zo Kembugât siŋgi a neŋgât siŋgi upapkât sâi ziap. Zen zorat nângâm um bâbâlaŋâk op sâiwap sâm dukubigât ninâu sâmet. <sup>13</sup> Anutu zâk ŋâtâtik mariŋangât bikŋan gâbâ mâkâniŋgâm nanŋangât kiŋ topŋan nâambarip. <sup>14</sup> Nanŋâ zâk tosaniŋangât sâŋgânŋâ pam bâliŋan gâbâ mâkâniŋgi.

<sup>15</sup> Anutu Ibâ, zâk mân igikŋâ. Ka nanŋâ Anutugât holinâ sot topŋâ muyageip. Mârum hân kwâkŋan kut ŋâi ŋâi mân muyagei nanŋâ kândom muyageipkât kâukniŋ ândieŋak ândiap. <sup>16</sup> Anutuŋâ sâi nanŋandâ a top topŋâ sot kut ŋâi ŋâi sumbemân sot hânân zo muyageniŋgi. Igikŋâ sot mân igikŋâ. Sumbem a âlipŋâ imbaŋâziŋoot sot Satâŋ sot sumbem arâpŋâ bâliŋâ imbaŋâziŋoot. A kutâ sot zâizâiŋ zo aksik patâ nanŋangât imbaŋandâ muyageziŋgi. Oi zo

zâkkât sinji muyagezingip. <sup>17</sup> Mârumņan a sot kut ηâi ηâi mân muyagei zei nanņâ kândom muyageip. Oi zâk zobâ ândim gâip. Nanņâ zâk a sot kut ηâi ηâi zorat galem a sâtņâ op ândiap. A sot kut ηâi ηâi zo zâkkât bikņan zem gâmap. <sup>18</sup> Kin bitniņanġât kâukņâ ândiap, zo yatik Yesugât kâmut ândien, nen Yesugât kin bikņâ ândeindâ zâk kâukniņâ ândiap. Zâk ândiândi niņgi zâkkât kâmurân ândien. Nanņâ zâk mârumņan gâbâ kândom op mumuņan gâbâ zaarip. Zâk a sot kut ηâi ηâi aksik zorat kâukņâ upapkât mumuņan gâbâ kândom otniņġâm zaarip.

*Yesuņâ nen Anutu sot buku utnatkât diiningip.*

<sup>19</sup> Anutuņâ zikņâ imbaņâ sot ândiândiņâ sot holiņâ nanņanġâren dâbâk zimbapkât nâņgi dâp oip. <sup>20</sup> Oi a sot kut ηâi ηâi hânân sot sumbemân Anutu kâsa okņanġâm ândiwen, nen Anutu sot buku utnatkât nanņâ sâm pindi poru nagân moi gilâmņandâ lumbenġâ muyageniņgi.

<sup>21</sup> Kolosai a ambân zen mârum Anutu kâsa okņanġâm ândiwe. Zen Anutu kândâtkum ândiwe. Nâņġânâņġâziņ bâliņ oi laņ gulip ândim bâliņâ top top op ândiwe. <sup>22</sup> Ka Kristoņâ um salek kwatziņgi Anutu sot buku op zâkkât mâteņan hâlâlu sot tosa buņ ândibigât a yatâ opņâ poru nagân moip. <sup>23</sup> Zorat zen Yesugâren nâņġâm pâlâtâņ kwâkņanġâm kâtigem kinbi. Den sinji âlip muyagem ziņgi, zo gulip opapkât mân loribi. Sinji âlip zorat bonņâ minam um bâbâlaņâk op mambât ândibi. Zen yatâ utnetâ Yesuņâ diizingi Anutugât mâteņan aņun buņ kinbi.

*Singi âlip a hân dêp zengâren laŋ kârâm ariap.*

Singi âlip zo zen Epaparaŋâ dâzângoip. Oi zenâk buŋâ. Singi âlip zo a kamân dêp dâzângom arindâ nângâwe. Paulo nâ nep zorat kore a orâwan. Oi nâ Kolosai zengât op sâknam kwâkŋan ândiman.

<sup>24</sup> Kristoŋâ a kâmutŋâ nenŋât kâukniŋ ândiap. Oi nen ombenŋan kiŋ bikŋâ yatâ ândien. Oi Kristo zâk kâmut patâ nenŋât op sâknam nângip. Sâknam torenŋâ ŋâi nângânângâŋ ziap, zo kwâknan zâibapkât sâip. Zorat nâ umâlip op zengât op sâknam kwâkŋan ândiman. <sup>25</sup> Anutuŋâ nep sâm nigî zâkkât kâmut zengâren kore op ândiwan. Kore otziŋgâm ândibat sot a hân ŋâin gokŋâ singi âlip dâzângom nanŋâbatkât sâm nigip. <sup>26</sup> Singi âlip den zo narâkŋâ narâkŋâ ekapŋoot zei mân nângâm ândim gawe. Ka narâk ziren Anutu zikŋak zâkkât singi a nen sâm muyageniŋip. <sup>27</sup> Oi den mârûm tik zeip, zo a hânŋâ hânŋâ muyageziŋgâbapkât Anutuŋâ nângi âlip oip. Den zo bonŋoot sot âsakŋoot. Oi den zorat topŋâ itâ. Kristogât Kaapumŋâ umziŋan ândiapkât sumbemân zâim neule âsakŋoot ândibigât mambât ândie. <sup>28</sup> Nen a ambân Kristogât topŋâ sâm muyageziŋgâmen. Oi girem den dâzângomen. A pisuk patâ zen Kristo sot pâlâtân op mem kâtigem nângânângâziŋ yâmbârem gwâlantenŋsâbapkât yatâ upmen. <sup>29</sup> Zen Kristo sot pâlâtân op kâtigem upigât Kristoŋâ imbanâ nigî kâtigem sâknam nep tuuman.

## 2

<sup>1</sup> Kolosai zengât op kâtigem sâknam nep tuuman, zorat dâzângua nângânek. Kristogât kâmut Kolosai kamânân ândie sot Laodikea kâmanân ândie, zengât op ninâu nebân kâtigem tuuman. A nigâwe sot a mân nigâwe ârândân. Zengât op nebân sâknam patâ nângâman. <sup>2</sup> Zen Anutugât den tiknâ zeip, zorat topnâ nângâm kwâtâtibigât nep tuuman. Zen nângâm kwâtâtem umziñandâ gâsâyagoi um bâbâlan op kengât bun ândibi. <sup>3</sup> Yesu Kristogâren den nângânângâ sot top nângânângân mamnâ ziap. Oi zâk nângânângâ niñgi den bonñangât topnâ nângâmen. <sup>4</sup> A nâmbutnâ zinj um gulip kwatziñgâbegât yatâ san.

<sup>5</sup> Nâ zengât nângâm ândiman. Nâ sâknandâ zen sot mân ândiman. Kârebân ândiman zo ko umnandâ ko zen sot ândiandâ Kristo nângâm pâlâtân kwâkñangâm târoyagom ândine ziñgitnâ umnâ âlip uap. <sup>6</sup> Zen Kristo sot pâlâtân urâwe, zo yatik zâk sot pâlâtân op ândibi. <sup>7</sup> Den bonñâ mem ândim zâkkâren pâlâtân op kinbi. Zen yatâ opnâ topnâ nângâm kwâtâtibi. Mâtâp tirâpzângowe, zo lân kâtigem sâiwap sâm ândine zâkkâren zâibap.

*Kristo sot pâlâtân op ândim umgât gom sambe mân kârunat.*

<sup>8</sup> A zinjâ zo zengât arâpziñâ upigât den kelâknoot dâzângom um gulip kwatziñgâbegât umziñ galem orangâm ândibi. Den zo ayân gâbâ nângânângâ den, sarâ, yennâ. Den zo sâkurâpziñangât den pat yatâ. Den yatâ zo Kristogâren gâbâ mân muyageip.

<sup>9</sup> Kristogât sâkņan Anutugât holiņâ sot ândiândiņ sot imbaņâ piksâm zei ândimap. <sup>10</sup> Kristo zâk a kutâ zâizâiņ sot kembu patâ otņiņgâm ândiap. Sumbem a âlipņâ sot bâliņâ sot wâke top topņâ imbaņâziņoot, zen ombenjan ândie. Oi zâkkât siņgi a nen zâk sot pâlâtâņ oindâ ândiândi neņgâren piksâm sambâlem ziap, zorat zen umgât kut ņai ņai zorat mân kârume. <sup>11</sup> Zen Kristo sot pâlâtâņ utne umziņan bâliņâ zeip, zo saņgorip. Zen sâgân kwabâyagowe, zorat buņâ. Zen ândiândi sâņgiņâ sâmbum pam Kristogâren pâlâtâņ urâwe. <sup>12</sup> Tooyân saņgonziņgawe, zorâņâ Yesugât mumuņan târokwatziņgip. Oi Anutu zâk imbaņaņgât Kristo mumuņan gâbâ mâņgeip. Imbaņâ zo yatik nâņgâm pâlâtâņ kwapme, zengâren zari Yesugât zaatzaatņan târokwatziņgip.

<sup>13</sup> Zen mârum bâliņâ op um mumuņâ ândine Anutuņâ tosaziņ birâmņâ Kristo sot mâņgiziņgi ândie. <sup>14</sup> Oi tosaziņaņgât den ekabân zeip, zo moloņâ poru nagân mândi buņ oip. <sup>15</sup> Yatâ opņâ Sataņ sot wâke zâizâiņ sot imbaņâziņoot timbâ kâmbamziņ mem kom sâmbum a ambân mâteziņan topziņ sâm muyageip. Zâk poru nagân yatâ oip.

*A ziņ um gulip kwatņiņgâbegât gasâniņ kârâm ândinat.*

<sup>16</sup> A ziņ nalem nâmbutņâ birâm ândibigât mo Yuda zengât kendon patâ mo mâik tâtatņaņgât, zorat den sâkziņan sâne mân nâņgâbi. <sup>17</sup> Wangât, kendon zo bonņâ buņâ. Bonņâ bet muyagibap. Zorat bet muyagibap, zorat dâp zorâņ kâdom

gâip. Bonnâ ko Kristogâren ziap. Oi zen zâk sot pâlâtân upme. <sup>18</sup> A nâmbutnandâ sâkkât âkñâle bâliñâ pâke kwâtnam sâkkât kendon ândim sumbem a mâpâsibigât sâme. A yatâ zo, ziñ kut nâi nâi uman ekñâ zorat nângâne bon opmap. A yatâ zo, zen sâkziñ lañ mem zâi pam den bon buñ, zo dâzângom ândime. Nângânângâziñâ zo ko ayân gâbâ âsageip. A zo, zen Kristo sot pâlâtân mân upme. <sup>19</sup> Kristo zâk kâukniñâ. Nen kiñ bikñâ yatâ. Oi kâukñan gâbâ sânnâmñandâ pâuksâm gem bonnâ mem kâtikñan kwap saaniñgâmap. Oi Kristo zâk um dâpkât nalem niñgâm tânnânngoi lâmbatnatkât imbanâ zemñangap. Anutu zâk yatâ nângâm kubigi ziap.

*Kâsâp den a umân muygeip, zo mân nângânat.*

<sup>20</sup> Zen Kristo mumuñan târokwapñâ hângât den kândâtkuwe. Oi ândiândi sângiñâ kândâtkomñâ dabân hângât a yenñâ yatâ ândim agât den lume? <sup>21</sup> A ziñ den itâ sâne lume, “Zi mân gâsuban. Zi mân nimban. Zi mân mimban.” <sup>22</sup> Kut nâi nâi zo buñ opmap, zo mân tâmbetgobap. Zorat opñâ wangât mân nimbi, mân mimbi sâme? Den yatâ zo Anutugât den buñâ. Den zo a ziñ umziñan nângâm sâm kwâkâyanğame. Zorat a ziñ den yatâ zo sâne mân nângâbi. <sup>23</sup> A yatâ zorâñ den nângânângâ tobat upme. Ka den sâme, zo bonnâ buñâ. Zo top nângânângâñangât den buñâ. Zen sâkkât âkñâle zorat pâke kwâtnam sâkkât kendon ândime. Sâkziñ mem geinam sâne den zorâñ den bonnâ yatâ opmap. Ka yatâ zorâñ bon buñâ. Zorâñâ sâkkât âkñâle pâke mân kwâpap.

### 3

#### *Sumbemân zâim ândiândiņ, zorat nâņgânat.*

<sup>1</sup> Kristo zâk mumuņan gâbâ zaatņâ sumbemân zâi ândiap. Oi zen Kristo zaatzaatņan târokwarâwe. Zorat urâ Anutugât âsanņâ bongen Kristoņâ den nâņgâm ândiap, zorarâk nâņgâm ândibi. <sup>2</sup> Hânân den sâm âragume, zorat buņâ. Sumbemân den âlipņâ nâņgâm ândie, zorat nâņgâm ândibi. <sup>3</sup> Zen Kristo mumuņan târokwarâwegât a mumuņâ yatâ hân a zenġât den bâliņâ zo mân nâņgâm ândibi. Wangât, ândiândiziņ zo Kristo sot Anutugâren tik ziap, zorat. <sup>4</sup> Oi Kristo zâk ândiândiņ mâriņandâ taki zen yatigâk zâk sot ârândân âsakņâ neuleņan muyagem ândibi. Zen zorat op nâņgâm ândibigât san.

#### *Um sânġiņâ lândim pânat.*

<sup>5</sup> Zen sâkkât âkņâle bâliņâ zorat kendon ândim kut ñâi ñâi itâ zo birâbi. Laņ mâman, kut ñâi ñâi mân orotņâ sot sâkkât âkņâle bâliņâ. A ñâigât kut ñâi ñâi zorat âkņâle mân upi. (A ñâigât kut ñâi ñâiņanġât âkņâle orot, zo Anutu kândâtkum umziņ ñâigâren pâpanņâ yatâ.) <sup>6</sup> Um kâtik a ziņ bâliņâ zo aksik upmegât Anutuņâ hâuņâ ziņġâbap. Oi Kristogât kâmut Kolosai kamânân ândie, zen mârum kut ñâi bâliņâ top top zo op ândiwe.

<sup>7-8</sup> Narâk zi ko kut ñâi ñâi bâliņâ zi aksik birâbi. Kuk sot den sârek, um kâlak, mem ge kwâkwat den sot den bâliņâ. <sup>9</sup> Sarâ mân sâbi. Um sânġiņâ sot orot mâme ġânġoņâ zo lândim pegât zo aksik birâbi. <sup>10</sup> Oi um uņakņâ zo Anutugâren gâbâ mem

ândibi. Um unqak Anutuñâ muyageip, zo kubigi nângânângâ sot opñâ zikñâ holi yatâ muyagem ândiap. Zen Anutugât topñâ nângâm kwâtâtem ândibigât yatâ oip. <sup>11</sup> Zorat kâsâp ândiândiñ zo âkip. Yuda a sot Grik a, kwabâ kwarangâwe sot mân kwabâ kwarangâwe, saru a mo barâ a, kore a sot a patâ zo aksik patâ Kristonâ mâpotniñgâmñâ kâukniñâ ândiap. Oi nen aksik zâkkât ombenjan dâp kânok ândien.

*Nen Kristo sot pâlatân urâwengât sinji âlip lum ândinat.*

<sup>12</sup> Anutuñâ umñandâ gâsuziñgâm buku otziñgâm gâsum sâlâpzângoip. Zorat zen itâ upi. Um lâklâk op buku upi. Zen umziñ giginâ oi um sânduk ândibi. Sinji âlip lum ândim âkon mân upi. <sup>13</sup> A ziñ bâliñ otziñgâne zorat hâuñâ mân otziñgâbi. Osetziñan tosa ñâi muyagei birâm kândâtkum ândibi. Kembuñâ tosaziñ birip. Zen yatik bukurâpziñangât tosaziñ birâbi. <sup>14</sup> Oi kut ñâi ñâi zo opñâ walâm umziñandâ gâsâyagom ândiândiñ, zo mem kâtigem ândine zorânâ mâpotziñgi um kânok upi. <sup>15</sup> Oi Kristo sot pâlatân op ândine zâkkâren gâbâ um lumbe zorânâ umziñan nep tuubap. Zen lumbe opñâ um kânok op ândibigât Anutuñâ diiziñgip. Oi zâkkâren sâiwap sâm ândibigât nângip. <sup>16</sup> Kristogât den osetziñan lañ kârâbapkat kâtigibi. Oi nângânângâ den top topñâ kwâkâyangâm galem orangâm ândibi. Yatâ utnetâ Kaapumñâ mem bâbâlan kwatziñgi mâpâmâpâse kep sângiñâ sot sinji âlipkât kep mimbi. Umziñandâ Anutugâren sâiwap sâm, sâm âlip kwâkñangâm mimbi. <sup>17</sup> Zen

Kristogât kâmut gakârâpñâ ândie, zorat nângâm den mo nep utnam dânjâk upi. Zen zo yatâ utne âlip oi Kembu Yesugât kutsiñgîñâ lañ kârâbap. Zen yatâ op ândibigât Kristonâ imbanâ ziñgâbap. Zorat Anutu Ibâniñ sâiwap sâm dukubi.

<sup>18</sup> Zen Yesu Kristo sot pâlâtân urâwenâ ândiegât itâ op ândibi. Ambân zen abarâpziñangât ombeziñan ândim sâtziñ lum ândibi. <sup>19</sup> A zen âmbirâpziñ buku otziñgâm ândibi. Ambirâpziñ kârâpñoot mân otziñgâbi.

<sup>20</sup> Katep zen ibâ mamârâpziñ den ñâi mo ñâigât sânetâ lubi. Zen yatâ utnetâ Kembuziñandâ nâñgi âlip upap. <sup>21</sup> Ibâ mam zen nan bârarâpziñ ziñgit um kâlâk upegât kubikziñgânânam kut ñâi kârâpñoot walâwalâñ mân otziñgâbi.

<sup>22</sup> Kore a sot nep a, zen patârâpziñ zeñgât sâtziñ lubi. Zo a ziñ ziñgitne âlip upapkât buñâ. Kembu hurat kwâkñangâm utne dâp upap. <sup>23</sup> Nep aksik zo a patâ zeñgârâk opñâ buñâ. Kembugât op bâbâlañjâk tuubi. <sup>24</sup> Zen itâ nângâbi. Zen hânân Kembu Kristo zâkkât kore a op ândie. Oi nepkât sâñgânñâ sumbemân ziap, zo Kembugâren gâbâ mimbi. <sup>25</sup> Ka ñâi zâk bâliñangât nep tuugi zo yatik hâuñâ yâmbâtñâ mimbap. Kembuñâ kore a sot a patâ dâbâk otziñgâmap. Zâk hâtubâtu mân otñiñgâmap.

## 4

<sup>1</sup> A patâ zeñgât den sa nângânek. Patâziñâ Kembu zâk sumbemân ândiap, zorat zen zâkkât nângâm kore a gakârâpziñ kut ñâi ñâi târâragâk dâpziñan galem otziñgâbi.

*Ninâu sâsâŋaŋgât den.*

<sup>2</sup> Kolosai a, zen âsâbâŋ ninâu sâm ândibi. Oi um wâgân ândim sâiwap sâm ninâu sâm ândibi. <sup>3</sup> Oi neŋgât op ninâu sâne Anutuŋâ siŋgi âlip sânatkât mâtâp muyageniŋgi Kristogât den mârûm tik zeip, zo sâm muyaginat. Nâ den zo dâzâŋgom ândiwangât um kâtik, ziŋ kâsa otnim gâsânom tâk namin nâbane ândian. <sup>4</sup> Zorat Kolosai a zen nâgât op ninâu sâbi. Ninâuŋâ betnan mine bâbâlaŋ op Kembugât den zo sâm muyagia dâp upap.

<sup>5</sup> Kolosai a, zen um kâtik a, kândâtŋan gok, zen sot kândiaŋgâm gulip ândiândiŋ mân op kut nâi nâi nâŋgâmŋik upi. Kembugât den dâzâŋgonam ândibi. <sup>6</sup> Dinziŋâ kubikne sii semen yatâ naam oi dâzâŋgobi. Zen yatâ opŋâ a den melâŋ dâzâŋgonam mân kwakpi.

*Tikiko sot Onesimo*

<sup>7</sup> Nâgât den siŋgi zo Tikikoŋâ otziŋgâbap. Zâk Kembugât nebân bukunâ oi umnandâ gâsumap. Berân mâmeniŋâ sot Kembugât kore a sât luluŋoot. <sup>8</sup> Zâk zeŋgâren gam den siŋgi otziŋgâbapkât sâŋgongua gaap. Um bâbâlaŋ kwatziŋgâbapkât op zeŋgâren gaap. <sup>9</sup> Oi bukuniŋâ Onesimo, Kembugât sât luluŋ a zeŋgâren gokŋâ, zâk ârândâŋ sâŋgongua gamŋâ kut nâi nâi ziren âsagiap, zorat den siŋgi dâzâŋgom nanŋgâbabot.

<sup>10</sup> Bukunâ Aristako nâ sot tâk namin ândiap, zâk sot Banabagât nepâŋâ Mareko sot Yusito, kutŋâ nâi Yosua, ziŋâ nâŋgâziŋge. (Marekogât den mârûmŋan dâzâŋgowan. Zâk zeŋgâren gâi buku okŋaŋgâbi.) <sup>11</sup> Aristako, Mareko sot Yusito,

a karâmbut zo, ziñâ Yuda a zeñgâren gâbâ muyagiwe. Ziñâ Anutu um topñan ândiândiñâ muyagibapkât nep betnan mime. Yuda a nâmbutñâ Yesu sot pâlâtân urâwe, zeñgâren gâbâ ñâi mân betnan mime.

<sup>12</sup> Oi Kolosai zeñgât kamânân gokñâ a ñâi, Epara, Kristogât kore a, zâkkât nângânângân Kolo-sai a zeñgâren ziap. Oi zen Yesu Kristo sot pâlâtân op Anutugât diñangât topñâ nângâm kwâtâtem lum ândibigât âsâbân ninâu sâm kâtigemap.

<sup>13</sup> Zâkkât topñâ nângâmangât itâ dâzângobâ. Zâkñâ zeñgât opñâ sot Laodikea kamânân gok sot Hierapoli kamânân gokñâ Kembugât sinji a ambân kâmut ândie, zeñgât op ninâu nep, sâknam nep patâ tuumap.

<sup>14</sup> Dema sot mâsek kubikkubik a bukuniñâ Luka, zet nângâziñgabot.

<sup>15</sup> Oi Laodikea kamânân bukuniñâ a kâmut sot Nimbasi sot kâmut zâkkât mirin mindume, zeñgât nângâm sâtâre opman. Den zo sapsun ziñgâbi.

<sup>16</sup> Ekap zi a ambân sâlâpkum nângâm nanjâne ko Laodikea kamânân kâmut ândie, zeñgâren pane ari sâlâpkubi. Oi Laodikea zeñgât ekap ñâi kulemguan, zo yatik zen ziñgâne sâlâpkubi.

<sup>17</sup> Arikipo, zâk itâ dukubi, “Nep Kembunâ gigip, zo mulunâk tuum birañban.”

<sup>18</sup> Den nâmbutñâ zo yen sa bukunâ ñâiñâ kulemgua. Ka zi ko Paulo nâ ninâ bitnandâ simbup mem kelikmelik den zi kulemgum paan. Nâ tâk namin ândian, zorat nâgât op ninâu sâbi.

Anutugâren gâbâ tânzân̄gozân̄goŋâ zeŋgâren zem  
sambâlem zim̄bap.  
Zo yatik.

**SINGI ÂLIP EKAP**  
**The New Testament in the Komba Language of Papua**  
**New Guinea**  
**Nupela Testamen long tokples Komba long Niugini**  
copyright © 1980 Wycliffe Bible Translators, Inc.

Language: Komba

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

---

PDF generated using Haiola and XeLaTeX on 21 Feb 2024 from source files dated 31 Aug 2023  
8e5b8dff-a54f-5e56-9b8c-1906f06b22d1